

SYNESII

EPISCOPI

CYRENES

AD ARCADIVM

IMPERATOREM

LIBER,

DE REGNO BENE

ADMINISTRANDO,

Stanislao Ilouio Polono Interprete,

AD AMPLISSIMVM, AC REVERENDVM.

PETRYM MISCOVIVM.



Venetijs, Apud Baptistam Somascum.

M D L X I I I .

AMPLISS. AC REVERENDO

D. PETRO MISCOVIO,
GNESNENSI, PLOCEN. LENCICIEN.
PRAEPOSITO, ATQVE SUPREMO IN-

VICTISS. REGIS POLONORVM

SECRETARIO,

STANISLAVS ILOVIVS

S. D.



*H*is omnibus, Miscovi am-
plissime, qui de genere huma-
no bene mereri student, illi
primas mihi partes merito
venere videntur, qui studium
suum ad principes instituen-
dos, atque erudiendos conferunt. nam si eorum
animus ad officium & ad virtutem institutus &
informatus fuerit, probe mehercule reliqua etiam
omnia sese habebunt: sin minus, multis malis ac
calamitatibus qui in ditione eorum sunt & im-
perio, afficiantur necesse est. ut enim capite egro
totum corpus labascere solet, ita etiam principe,
qui eorum quibus praest veluti caput quoddam
est, perperam informato, omnes sui vacillant.
adde quod pravis moribus principum infici solet

SYNESII

AD ARCADIVM

IMPERATOREM

DE REGNO LIBER,

STANISLAO ILOVIO,

Polono Interprete.

N VERO, nisi quis ab vrbe ampla & opulenta veniat, & orationem magnificam ac perelegantem afferat, qualem Rhetorica & Poetica edere solent, populares nimirum artes, populares scetus, eum cum huc se contulerit vultum demittere oportet & ut potè cui potestas facta non sit in aula, non modò liberè loquendi, sed nè hiscendi quidem, cum non habeat patriam illustrem, neque disputationes de rebus iucundis, quales hic quotidie haberi solent, in medium proferat, quæ & ipsam Imperatorè, & eos qui illi in consilio adsunt voluptate perfundere possint. An etiam aliquando Philosophiam aduenientè recipietis, & quis vestrū ipsam agnoscat, quæ hic post tam longum interuallum temporis apparet, ac tanquam hospitem benignè excipiet, de eaq; honorificè loquetur apud eos, apud quos decet & hos enim desiderat honores, non ipsa quidem sua causa, sed vestra, ne despectui habita nihil utilitatis & adiumenti uobis afferat. Atq; ipsa quidem uobis afferet sermones, non hilares illos quidem, nec qui voluptate afficiant adolecentes: quippe cum eius oratio neque natura sua diffluat, neque verborum ornatu fucatam pulchritudinem ostendet: sed

